



金光明懺齋天科儀

一、淨壇

(一)、唱誦

瑤天玉露 覺海金波 大千沙界灑芬陀

三昧滌塵疴 少水成多 一滴淨山河

南無清涼地菩薩摩訶薩 (三稱三拜)

(二)、稱聖號

南無大悲觀世音菩薩 (三稱)

(三)、主法執水盂說水文

菩薩柳頭甘露水 能令一滴徧十方 腥羶垢穢盡蠲除 令此

壇場悉清淨

教有密言謹當持誦

(四)、持大悲咒

南無喝囉怛那 哆囉夜耶 南無阿唎耶 婆盧羯帝 爍鉢囉
耶 菩提薩埵婆耶 摩訶薩埵婆耶 摩訶迦盧尼迦耶 唵
薩皤囉罰曳 數怛那怛寫 南無悉吉慄埵 伊蒙阿唎耶 婆
盧吉帝 室佛囉愣馱婆 南無 那囉謹墀 醯利摩訶皤哆沙
咩 薩婆阿他 豆輸朋 阿逝孕 薩婆薩哆 那摩婆薩哆
那摩婆伽 摩罰特豆 怛姪他 唵 阿婆盧醯 盧迦帝 迦
羅帝 夷醯唎 摩訶菩提薩埵 薩婆薩婆 摩囉摩囉 摩醯
摩醯 唎馱孕 俱盧俱盧 羯蒙 度盧度盧 罰闍耶帝 摩
訶罰闍耶帝 陀囉陀囉 地唎尼 室佛囉耶 遮囉遮囉 摩
麼 罰摩囉 穆帝隸 伊醯伊醯 室那室那 阿囉嚩 佛囉
舍利 罰沙罰參 佛囉舍耶 呼嚧呼嚧摩囉 呼嚧呼嚧醯利
娑囉娑囉 悉唎悉唎 蘇嚧蘇嚧 菩提夜 菩提夜 菩提夜 菩馱夜

菩馱夜 彌帝唎夜 那囉謹墀 地利瑟尼那 波夜摩那 娑
婆訶 悉陀夜 娑婆訶 摩訶悉陀夜 娑婆訶 悉陀喻藝
室幡囉耶 娑婆訶 那囉謹墀 娑婆訶 摩囉那囉 娑婆訶
悉囉僧 阿穆佉耶 娑婆訶 娑婆摩訶 阿悉陀夜 娑婆訶
者吉囉 阿悉陀夜 娑婆訶 波陀摩 羯悉陀夜 娑婆訶
那囉謹墀 幡伽囉耶 娑婆訶 摩婆利 勝羯囉夜 娑婆訶
南無喝囉怛那 哆囉夜耶 南無阿唎耶 婆嚧吉帝 爍幡囉
夜 娑婆訶 唵 悉殿都 漫多囉 跋陀耶 娑婆訶
南無甘露王菩薩摩訶薩（三稱三拜）

二、頂禮三寶

一切恭敬

一心頂禮十方常住三寶（頂禮時應作觀雲）

(能禮所禮性空寂 感應道交難思議 我此道場如帝珠 諸佛如來影現中 我身影現如來前 頭面接足皈命禮)

三、上香作觀

(是諸眾等 各各胡跪 嚴持香華 如法供養)

願此香華雲 徧滿十方界 供養一切佛

尊法諸菩薩 聲聞緣覺眾 及一切天仙

受用作佛事 供養已一切恭敬 (一拜已復跪奉請雲)。

(主呼) 供養已一切恭敬

四、迎請

(一) 請佛

香花迎 香花請

一心奉請 南無本師釋迦文佛

東方阿閼四佛世尊 寶華琉璃寶勝佛等

盡金光明經中及十方三世一切諸佛（三請三禮）

（頂禮時應作觀雲）

（我三業性如虛空 釋迦如來亦如是 不起真際為眾生 與眾

俱來受供養）

（二）唱佛寶讚

佛寶讚無窮 功成無量劫中

巍巍丈六紫金容 覺道雪山峰

眉際玉毫光燦爛 照開六道昏蒙

龍華三會願相逢 演說法真宗

（三）請法

香花迎 香花請

一心奉請 南無大乘金光明海十二部經（三請三拜）

（頂禮時應作觀雲）

（法性如空不可見 常住法寶難思議 我今三業如法請 唯願

影現受供養）

（四）唱法寶讚

法寶實難量 如來金口宣揚

龍宮海藏散天香 覺者誦瑯函

玉軸霞條金寫字 似排秋雁成行

昔因三藏取來唐 萬古為敷揚

（五）請僧

香花迎 香花請

一心奉請 南無信相菩薩

金光明菩薩 金藏菩薩

常悲法上盡金光明經內及十方三世一切菩薩聲聞緣覺賢聖僧

(三請三拜)。

(頂禮時應作觀雲)

(我三業性如虛空，一切菩薩亦如是，不起真際為眾生，與眾俱來受供養)

(六) 唱僧寶讚

僧寶不思議 身披三事雲衣

浮盃渡海剎那時 赴感應羣機

堪作人天功德主 堅持戒行無違

我今稽首願遙知 振錫杖提攜

(七) 請天神

香花迎 香花請

一心奉請 南無大梵尊天

三十三天護世四王 金剛密跡散脂大將

大辯天神 訶梨帝喃 鬼子母等五百眷屬

一切皆是大菩薩等

及此國內 名山大川 一切靈廟

(當州) 地分屬內鬼神

此所住處 護伽藍神

守正法者 一切聖眾 (比丘比丘尼三請已不應禮, 餘眾三請

三拜)

(八) 唱三寶讚

三寶廣無邊 僧伽萬德功圓

六年苦行證金仙 說法利人天

放光現瑞週沙界 天龍八部同瞻

千賢萬聖會祇園 結集永流傳

千賢萬聖會祇園 結集永流傳

(九) 請天

香花迎 香花請 一心奉請

南無第一威德成就眾事大功德天

(此位眾唱三請已不禮。白衣須禮。當合掌持咒)。

(十) 大吉祥天女呪 (七遍)

南無佛陀 南無達摩 南無僧伽 南無室利 摩訶提鼻耶

怛你也他 波利富樓那 遮利三曼陀 達舍尼 摩訶毗訶

羅伽帝 三曼陀 毘尼伽帝 摩訶迦利野 波禰波囉波禰

薩利縛栗他 三曼陀 修鉢黎帝 富隸那 阿利那 達摩帝
摩訶毗鼓畢帝 摩訶彌勒帝 婁簸僧祇帝 醯帝徒 僧祇醯
帝 三曼陀 阿他阿耨婆羅尼

(十一) 唱誦

光明會上護法諸天 日月星斗耀人間
持國賜安然 保佑心虔福壽永綿綿

南無增福壽菩薩摩訶薩 (三稱)

五、上香

(一) 唱讚

爐香乍熱 法界蒙熏 諸佛海會悉遙聞

隨處結祥雲 誠意方殷 諸佛現全身

南無香雲蓋菩薩摩訶薩 (三稱)

(二) 開經偈

南無本師釋迦牟尼佛 (三稱)

無上甚深微妙法 百千萬劫難遭遇

我今見聞得受持 願解如來真實義

(三) 誦經

無量餘經 已廣說空 是故此中 略而解說 眾生根鈍 甚

於智慧 不能廣知 無量空義 故此尊經 略而說之 異妙

方便 種種因緣 為鈍根故 起大悲心 今我演說 此妙經

典 如我所解 知眾生意 是身虛偽 猶如空聚 六入村落

結賊所止 一切自住 各不相知 眼根受色 耳分別聲 鼻

嗅諸香 舌嗜於味 所有身根 貪受諸觸 意根分別 一切

諸法 六情諸根 各各自緣 諸塵境界 不行他緣 心如幻

化 馳騁六情 而常妄想 分別諸法 猶如世人 馳走空聚
六賊所害 愚不知避 心常依止 六根境界 各各自知 所
伺之處 隨行色聲 香味觸法 心處六情 如鳥投網 其心
在在 常處諸根 隨逐諸塵 無有暫舍 身空虛偽 不可長
養 無有諍訟 亦無正主 從諸因緣 和合而有 無有堅實
妄想故起 業力機關 假為空聚 地水火風 合集成立 隨
時增減 共相殘害 猶如四蛇 同處一筐 四大虺蛇 其性
各異 二上二下 諸方亦二 如是蛇大 悉滅無餘 地水二
蛇 其性沉下 風火二蛇 性輕上升 心識二性 躁動不停
隨業受報 人天諸趣 隨所作業 而墮諸有 水火風種 散
滅壞時 大小不淨 盈流於外 體生諸蟲 無可愛樂 捐棄
塚間 如朽敗木 善女當觀 諸法如是 何處有人 及以眾

生 本性空寂 無明故有 如是諸大 一一不實 本自不生
性無和合 以是因緣 我說諸大 從本不實 和合而有 無
明體相 本自不有 妄想因緣 和合而有 無所有故 假名
無明 是故我說 名曰無明 行識名色 六入觸受 愛取有
生 老死愁惱 眾苦行眾 不可思議 生死無際 輪轉不息
本無有生 亦無和合 不善思惟 心行所造 我斷一切 諸
見纏等 以智慧刀 裂煩惱網 五陰舍宅 觀悉空寂 證無
上道 微妙功德 開甘露門 示甘露器 入甘露城 處甘露
室 令諸眾生 食甘露味 吹大法螺 擊大法鼓 然大法炬
雨勝法雨 我今摧伏 一切怨結 豎立第一 微妙法幢 度
諸眾生 於生死海 永斷三惡 無量苦惱 煩惱熾然 燒諸
眾生 無有救護 無所依止 我以甘露 清涼美味 充足是

輩 令離焦熱 於無量劫 遵修諸行 供養恭敬 諸佛世尊
堅固修習 菩提之道 求於如來 真實法身 舍諸所重 肢
節手足 頭目髓腦 所愛妻子 錢財珍寶 真珠瓔珞 金銀
琉璃 種種異物 歡喜施之 心無悔悞 觀法性空 是無上
智

南無寶華琉璃佛 (三稱。起立)

(四) 讚佛

佛面猶如淨滿月 亦如千日放光明
目淨修廣若青蓮 齒白齊密猶珂雪
佛德無邊如大海 無限妙寶積其中
智慧德水鎮常盈 百千勝定咸充滿
足下輪相皆嚴飾 穀網千輻悉齊平

手足縵網徧莊嚴 猶如鵝王相具足
佛身光耀等金山 清淨殊特無倫匹
亦如妙高功德滿 故我稽首佛山王
相好如空不可測 逾於千日放光明
皆如焰幻不思議 故我稽首心無著

(讚已當陳述意。須合掌恭敬。令眾平聲三唱雲)

六、上供

(一) 唱誦

旃檀海岸 爐爇名香 耶輸子母兩無殃

火內得清涼 至心今將一炷偏十方

南無香雲蓋菩薩摩訶薩 (三稱)

(二) 稱聖號

南無靈山會上佛菩薩（三稱）

南無佛 南無法 南無僧

南無本師釋迦牟尼佛 南無四方四佛

南無寶華琉璃佛 南無大乘金光明經

南無信相菩薩 南無金光明菩薩

南無金藏菩薩 南無常悲菩薩

南無法上菩薩

南無第一威德成就眾事大功德天

南無護法諸天菩薩 南無伽藍聖眾菩薩

南無歷代祖師菩薩（此上各聖號，皆周而復始，三遍）

（三）變食真言

曩謨薩縛 怛他誡哆 縛嚕枳帝 唵 三跋囉 三跋囉 吽

(三遍)

(四) 甘露水真言

曩謨蘇嚕婆耶 怛他誡哆耶 怛姪他 唵 蘇嚕 蘇嚕 鉢

囉蘇嚕 鉢囉蘇嚕 娑婆訶 (三遍)

此食色香味 上供十方佛 中奉諸聖賢

下及六道品 等施無差別 隨願皆飽滿

令今施者得 無量波羅蜜

三德六味 供佛及僧 法界有情 普同供養 (一遍)

(五) 普供養真言

唵 誡誡曩 三婆縛 鞞日囉斛 (三遍)

七、通疏

南無大乘常住三寶（三稱）

（宣文疏）

八、獻食

（一）唱誦

虔誠獻香花 智慧燈紅焰交加

淨瓶楊柳灑堪誇 橄欖共枇杷

蒙山雀舌茶奉獻 酥酪普供養釋迦

百寶明珠奉獻佛菩薩 衣奉獻法王家

南無普供養菩薩摩訶薩（三稱）

（二）稱聖號

南無寶華琉璃佛 南無金光明經

南無第一威德成就眾事大功德天（三稱）

(三) 主者白文

今我道場 敷設供養 然種種燈 燒種種香 奉種種飲食
淨潔如法 恭持奉供 諸佛世尊 大乘經典 菩薩賢聖一切
三寶 又復別具香華飲食 奉獻功德大天 大辯四王 梵釋
天龍 八部聖眾 復於飲食 散擲餘方 施諸神等 惟願三
寶天仙 憐愍於我 及諸眾生 受此供養 以金光明力 及
諸佛威神 於一念間 顯現十方一切佛刹 如雲徧滿 如雨
溥洽 廣作佛事 等熏眾生 發菩提心 同圓種智 (此亦應
隨意所陳。未必專誦此語。作是語已。當持飲食至道場外淨
處。布散四方。)

(四) 大吉祥天女呪

南無佛陀 南無達摩 南無僧伽 南無室利 摩訶提鼻耶
怛你也他 波利富樓那 遮利三曼陀 達舍尼 摩訶毗訶
羅伽帝 三曼陀 毘尼伽帝 摩訶迦利野 波禰波囉波禰
薩利縛栗他 三曼陀 修鉢黎帝 富隸那 阿利那 達摩帝
摩訶毗鼓畢帝 摩訶彌勒帝 婁簸僧祇帝 醯帝 徒 僧祇醯
帝 三曼陀 阿他阿耨婆羅尼

(五) 祝願

我今依教 供養大乘三寶 及吉祥大天 持此種種飲食 散
灑諸方 徧施諸神 願諸神明 威權自在 一念普集 各受
法食 充足無乏 身力勇銳 守護堅強 知我所求 願當相
與 回此福利 普潤含生 果報自然 常受勝樂 (大吉祥天
女呪)。

(六) 唱偈

汝等地祇眾	我今施汝共	此食徧十方	一切地祇共
願以此功德	普及於一切	施食與地祇	皆共成佛道
汝等天仙眾	我今施汝共	此食徧十方	一切天仙共
願以此功德	普及於一切	施食與天仙	皆共成佛道
汝等王官眾	我今施汝共	此食徧十方	一切王官共
願以此功德	普及於一切	施食與王官	皆共成佛道

九、誦楞嚴呪 (大悲呪)

十、讚

佛慈廣大 感應無差 寂光三昧徧河沙
願不離伽耶 降福齋家 金地湧蓮花

南無登雲路菩薩摩訶薩 (三稱)

十一、三皈依

自歸於佛 當願眾生 體解大道 發無上心

自歸於法 當願眾生 深入經藏 智慧如海

自歸於僧 當願眾生 統理大眾 一切無礙

和南聖眾

十二、迴向

齋天功德殊勝行 無邊勝福皆迴向

普願沉溺諸有情 速往無量光佛刹

十方三世一切佛 諸尊菩薩摩訶薩

摩訶般若波羅密

（金光明懺齋天儀規圓滿）